

Fa'aילוaina o le Tusigaigoa 101 ma le sao e manaomia mai i Fa'alapotopotoga i totonu o Afioaga

E matu'a taua lava ona sa'o ma atoatoa le faitauina uma o Tagata nuu o Hawai'i Mao'i ma le atu Pasefika i le Tusigaigoa o le 2020. O nisi nei o tulaga e mafai ona fesoasoani mai ai fa'alapotopotoga ma afioaga i le fa'atinoaina ma le fa'asalalauina o le tusigaigoa ina ia manuia le faamoemoe.

Taumafanafana 2019 - Aso o le Tusigaigoa FUAFUAGA MA LE TUUFATASIA

Avea ma Pa'aga o le Ofisa o Tusigaigoa

Matou te mana'omia Fa'alapotopotoga i Afioaga o Tagata Hawai'i Mao'i ma le Pasefika e malamalama i o tatou afioaga ma iloa le ala sili e fa'afeso'ota'i ai e e avea ma pa'aga o le Ofisa o Tusigaigoa. O pa'aga a le Ofisa o Tusigaigoa o i latou ia o amapasa e fesoasoani e faatupuina le malamalama (silafia) e tagata le tau'a o le auai i le tusigaigoa. E i ai ala eseese e auai Pa'aga o le Ofisa o Tusigaigoa - mai le fa'asalalauina o fa'amatalaga a le Ofisa o Tusigaigoa ma feau tusitusia, tautaiina o se fonotaga atina'e, i le fa'amalosia o tagata e fa'atumuina pepa talosaga mo galuega i le Ofisa. A fia avea ma Pa'aga o le Ofisa o Tusigaigoa, fa'afeso'ota'i le Census Partnership Program i le census.partners@census.gov, pe fa'afeso'ota'i le ofisa o tusigaigoa i lou afioaga poo le itumalo (Atlanta.rcc.partnership@2020census.gov, Chicago.rcc.partnership@2020census.gov, Dallas.rcc.partnership@2020census.gov, Los.Angeles.rcc.partnership@2020census.gov, New.York.rcc.partnership@2020census.gov, Philadelphia.rcc.partnership@2020census.gov).

Ta'utinoga mo le ofoina mai o lau tautua: La'itiiti i le Feoloolo. E mafai ona e mauaina fa'aaliga fou ma fa'asoaina i lou afioaga!



Feso'otai poo le fa'avaeina se Komiti Faitauga Atoa

E fesoasoani le polokalama a le Komiti Faitauga Atoa i ta'ita'i i le fa'amaopoopoina o fa'asalalauga ma o le ki lea o le faatupuina (amataga) o le silafia e tagata o le tusigaigoa. E taitai ma pulea le Komiti Faitauga Atoa (CCC) e ofisa o le malo i lalo o le aai po'o le itumalo, e aofia ai sui mai vaega o fa'apotopotoga, malo, ma le Atina'e, e iai ekalesia po'o fa'alapotopotoga fa'alelotu, auunaga lautele, fa'alapotopotoga o aia tatau, pisinisi fa'alenu'u, iuni, ma ala o fa'asalalauga fa'alenu'u. Fa'afeso'ota'i tofi palota fa'alenu'u ma fesili pe ua fa'atuina se CCC ma fa'ailoa ane pe fa'aapefea ona e auai. A fai e le'i fa'atuina e le malo fa'alenu'u se CCC, valaau le ofisa o tofi palota pe fa'atulaga se fono e fa'asoa ai ala e a'afia ai lou afioaga i le tusigaigoa ma le ala e taua tele ai le lagolagosua.

Ta'utinoga mo Taimi ma Alaga'oa: La'itiiti i le Tele. Afai ua iai se CCC, auai i fonotaga e aoina fa'amatalaga ma felagolagoma'i ma isi tagata. Afai e te fia galue i se tulaga ta'ita'i, e mafai ona e fesoasoani e taupule se CCC.

Taumafanafana 2019 - Tautoulu 2019 **SAUNI E "AVATU-I-FAFO-LE-FAITAU"**

Amataina ma Tufatufaina o Fa'asalalauga

A'o amataina le feso'otaiga ma lou afioaga, e taua le saunia o ni fa'asalalauga e talafeagai ma i latou o loo faamoemoeina e te savalia ma fesoasoani i ai. Ia fa'amalosia tagata e saili fesoasoani ma fa'amatalaga fa'aopoopo.

- Fa'ailoa feau e talafeagai ma lou afioaga.
- E aofia i mea fa'asalalau: pepa e meli (postcards), pepa fa'asalalau, fa'asoaga i le social media, fa'aupuga i newsletters, tala sa'o e tali ai fesili ma popolega e uiga i le tusigaigoa, ma le tele o isi mea!
- Pe a mafai, fa'aliliuina i gagana e talafeagai ma toe iloilo e tagata o lou afioaga ina ia mautinoa o lo'o fetau ma aganu'u.
- E mafai fo'i ona e fa'asoa ma maua ata vitio, tusitusiga i le initaneti, tala sa'o fa'ale-satete, ma isi mea i le www.countusin2020.org/NHPI.

Tautoulu 2019 - Taumalulu 2020 **FAATUPUTELEINA LE SILAFIA I LE TUSIGAIGOA MA FA'AMALOSIA LE TALI MAI**

Amataina ona Tufatufaina Fa'asalalauga

Tufatufaina o fa'asalalauga – mai pepa fa'asalalau pupu'u i pepa o tala sa'o – i lou afioaga. E mafai ona e fa'aofia ai ma fa'amatalaga e uiga i le tusigaigoa i fa'asalalauga o lo'o iai pe taupule mea e fai ma fa'asalalauga patino i le tusigaigoa.



Ta'utinoga mo Taimi ma Alaga'oa: La'itiiti i le Feoloolo. E mafai ona e tufatufaina mea e ala i au polokalama o lo'o iai, pe fa'aaoga taimi fa'aopoopo e te auai i gaoioiga a isi afioaga ma tufatufa atu pepa fa'asalalau i pisinisi fa'alenu'u.

Fa'atalanoaina lou vai a'ai (tuaoi)

O le ala sili e fa'ateleina ai le iloa e tagata o le tusigaigoa o lo'o lumanai o le talatalanoa lea i ou vai a'ai. Ae maise vaia'ai o lo'o nonofo ai tagata e le faatau'aina le faamoemoe, latou te le fa'atumuina o pepa, pe le malamalama i le taua o le sa'o o le faitauina o aiga ma afioaga. E mafai ona e tu'itu'i-faitoto'a pe vili-telefoni a'e le'i amataina le tusigaigoa e fa'ateleina ai le silafia. A o faia le tusigaigoa ia mautinoa lelei ua malamalama tagata pe fa'apefea ona tali i fesili o le tusigaigoa. E mafai ona e iloaina ma mautinoa oga'elelee o le a fa'aitiitia ai le tali o tagata i lou tagataga'i lea i se fa'afanua o oga'elelee "faigata-ona-faitau: www.censushardtocountmaps2020.us. E tusa ma le tasi mai le lima o tagata Asia Amerika ma le tasi mai le tolu o Tagata Hawai'i Mao'i ma Tagata Pasefika e nonofo i oga'elelee faigata-ona-faitau.

Ta'utinoga mo Taimi ma Alaga'oa: Feoloolo i le Tele. E fai sina umi o le matauliaina o oga'elelee faigata-ona-faitau, amataina o se fa'atatauga mo gaoioiga, ma a'oa'o tagata mo feso'otaiga. O se fuafuaga lelei pe a ia te oe se vaega o tagata ofo e fesoasoani i feso'ota'iga mo le tusigaigoa.

Fa'atino Feso'ota'iga a o faia Gaoioiga (fuafuaga) i totonu o Afioaga

E matu'a faigofie ma aoga (lelei) ona tatou feso'otaiina tagata i nofoaga ma afioaga o loo tatou mananao ai, pe afai tatou au ai atu i le faamanatuina o Aso malolo, fa'afiafiaga, ma mea o lo'o fai i nei afioaga, ma talatalanoa i ai e uiga i le tusigaigoa o lo'o lumanai, ma le taua o le faitauina uma o tagata ma ia sa'o le faitauga. Alu ma ave ni faasalalauga ua maea ona fa'aliliuina e fa'asoa (tufatufaina) i tagata o le afioaga.

Ta'utinoga mo Taimi ma Alaga'oa: La'itiiti i le Tele. E fesoasoani uma taumafaiga - e mafai ona e filifilia le tele, ituaiga, ma le numera o mea e fai e fetui ma oe ma lou afioaga.

Mati 2020 - Iulai 2020

U'UNA'I GAOIOIGA MA FA'ALOTOTELE E TALI

Fa'amautuina se Nofoga e Mafai ai e Tagata ona Maua Fa'amatalaga ma Fa'atumu ai a Latou Pepa



E mafai ona e fa'atuina ni nofoaga e fesoasoani i tagata o le afioaga i fesili mo le tusigaigoa ma fa'afo'i mai o latou pepa ua mae'a ona fa'atumu. E mafai ona e fesoasoani i tagata o lou fa'alapotopotoga, pe galue fa'atasi ma pa'aga fa'atuatua pei o faletusi, aoga, nofoaga i afioaga, ma isi. E mafai e lea nofoaga fesoasoani ona taitaiina ni tulaga e fai e fa'alauteleina ai le iloa o le tusigaigoa, tali fesili e uiga i le tusigaigoa, tu'uina atu fesoasoani mo le gagana, fa'asoa lomiga ua fa'aliliuina, ma tu'uina atu ma'atusi eletise poo komipiuta e iai initaneti mo pepa fa'atumu.

Galulue ma lou Setete, Itumalo, ma/poo Komiti o Faitauga Atoa i lou aai e fa'avae, fa'amaopopo, ma fa'alaua'itele fesoasoani i le tusigaigoa. Fa'alauiloa le fa'aaogaina o ia avanoa i le social media, fa'alapotopotoga aganu'u ma fa'alenu'u, nofoaga fa'alelotu, nusipepa poo newsletter a afioaga, fale faigaluega, ofisa mo auunaga, ma isi nofoaga e potopoto ai tagata. I tausaga ua mavae na fa'avaeina ai e le Ofisa o Tusigaigoa ana ia lava Nofoga Fesoasoani mo le Lisi o Fesili e fesoasoani i tagata e fa'atumuina o latou pepa, ae le o manino fuafuaga a le Ofisa mo le Tusigaigoa 2020. Lona uiga e taua i fa'alapotopotoga o afioaga le fesoasoani i tagata.

Ta'utinoga mo Taimi ma Alaga'oa: Feoloolo i le Tele. E umi le taimi e fa'asalalau ai ua avanoa fesoasoani mo le lisi o fesili, a'oa'o tagata e tu'uina atu fesoasoani, ma ta'ita'i mea e fai.

Fa'aaoga Avanoa o Feso'ota'iga ina ia Aoaogaina ai i le Tusigaigoa

Faaaogaina auala o fa'asalalauaga masani ma le fa'alenu'u i le Tusigaigoa 2020 ma le tufatufaina o fa'amatalaga o le tusigaigoa e ala i le newsletter o lou fa'alapotopotoga, lisi imeli, laupapa mo feau, ma so'o se isi mea e te fa'aaogaina e tala'i atu ai le tusigaigoa i uso auai, ma tagata o lo'o e fesoasoani ai.

Fa'aaoga le Facebook, Twitter, Instagram, Snapchat, Whatsapp, ma nisi ala e fa'asoa atu ai, e faigofie le Tusigaigoa, e saogalemu, ma matua tau'a lava mo lou afioaga.

Ta'utinoga mo Taimi ma Alaga'oa: La'itiiti i le Tele. E fesoasoani (manaomia) taumafaiga uma, mai tusitusiga i le social media i le taupuleina o fonotaga ma le 'au fai nusipepa!

www.countusin2020.org/NHPI

